

Bosna i Hercegovina
Federacija Bosne i Hercegovine
TUZLANSKI KANTON

KANTONALNI SUD U TUZLI

Broj: 003-0-Su-21-000 405
Datum, 27. juli 2021. godine

**PROTOK PREDMETA I REZULTATI RADA SUDA ZA PERIOD
01.01.2021. GODINE DO 30.06.2021. GODINE**

Kantonalni sud u Tuzli započeo je 2021. godinu sa prenesenih 6.507 predmeta na svim referatima, a od tog broja na građanskom referatu preneseno je 5.725 predmeta, na krivičnom i prekršajnom referatu 463 predmeta i na referatu upravnog spora 306 predmeta.

U periodu 01.01. do 30.06.2021. godine na svim referatima u sudu je primljeno ukupno 2.716 predmeta i najviše predmeta primljeno je na građanskom referatu i to 1.343 predmeta, na krivičnom i prekršajnom referatu 996 predmeta i na referatu upravnog spora 191 predmet.

U odnosu na 2020. godinu kada je za isti period na svim referatima primljeno 2.657 predmeta, u 2021. godini primljeno je 59 predmeta više, što predstavlja povećanje broja predmeta za 2,2%.

U 2020. godini na građanskom referatu u periodu za prvih 6 mjeseci primljeno je 1.350 predmeta, dok je u 2021. godini za isti period primljeno 1.344 predmeta, što predstavlja smanjenje broja predmeta za 6 ili procentualno 0,4%.

Na krivičnom i prekršajnom referatu za prvih 6 mjeseci 2020. godine primljeno je 959 predmeta, a u 2021. godini 996 predmeta, što predstavlja povećanje za 37 predmeta ili procentualno 3,8%.

Na referatu upravnog spora u prvom polugodištu 2020. godine primljeno je 159 predmeta, a u istom periodu 2021. godine 191 predmet, što predstavlja povećanje za 32 predmeta ili procentualno 20%.

Ukupno u radu u ovom periodu bilo 9.223 predmeta, što u odnosu na isti period 2020. godine kada je u radu bilo 10.824 predmeta, predstavlja smanjenje za 1.601 predmet ili procentualno 15%.

Na kraju šestomjesečnog perioda 2021. godine ostalo je na svim referatima neriješenih 5.943 predmeta, što u odnosu na isti period

2020. godine kada je ostalo neriješenih 7.322 predmeta, predstavlja smanjenje za 1.379 predmeta ili procentualno 19%.

Kantonalni sud u Tuzli u prvih 6 mjeseci 2021. godine uspio je riješiti više od tekućeg priliva predmeta i smanjiti broj neriješenih predmeta za 564 predmeta ili procentualno 8,7%.

Rezultati suda bili bi još bolji da je od strane Visokog sudskog i tužilačkog vijeća BiH blagovremeno izabran sudija u ovaj sud koji nedostaje, a po raspisanom konkursu, kao i da nije bilo dugotrajnih bolovanja sudija zbog Corona virusa, ili drugih težih bolesti.

Na dole navedenoj tabeli prikazan je protok predmeta u sudu po osnovnim referatima za period 01.01.2021. godine do 30.06.2021. godine, kao i uporedna tabela protoka predmeta za prvih 6 mjeseci 2020. godine.



PREDSJEDNIK SUDA

Indira Hadžimehmedović